

সতী

(২০শে কার্তিক, ১০০৪)

'সতী' কাব্যনাট্যে অতি উচ্চাঙ্গের নাটকীয় বস্তুমান। সমস্ত ঘটনার অনিবার্য পরিণাম একটি যুদ্ধোত্তর শ্মশানদৃশ্যে কেন্দ্রীভূত করা হইয়াছে। বিপরীতমুখী ভাবে সংঘর্ষে পাত-পাতীর চিত্ত-বিশ্ব চরমে উপনীত হইয়া একটা মর্মাস্তিক ঘটনার পরিণতি লাভ করিয়াছে। একটি দৃশ্যই যেন একটা স্বয়ং-সম্পূর্ণ নাটক—একটা বৃহৎ নাটকের ঘনীভূত রূপ। পল্লবিত অভিজ্ঞাষণ বা দীর্ঘ লিরিক উল্লাস ইহাতে অনেকখানি সংযত ও সংহত; প্রত্যক্ষ উদ্দেশ্যাত্মক, পরিমিত সংলাপ স্বাভাবিকভাবে ঘটনার গতিকে পরিণামের দিকে টানিয়া লইয়া গিয়াছে। কাব্যনাট্যগুলির মধ্যে নাটকীয় গুণে 'সতী'ই শ্রেষ্ঠ।

এই নাটকের আখ্যানভাগ একটি মারাঠী গাথা হইতে গৃহীত। বিনায়ক রাও-এর কন্যা অমাবাই-এর বিবাহ ঠিক হইয়াছিল জীবাজির সহিত। জীবাজি বিবাহ করিতে যাত্রা করিয়াছে, এমন সময় পথের মধ্যে বিজাপুররাজের এক মুসলমান সতাসদ্ তাহাকে আক্রমণ করিয়া বন্দী করে এবং তাহারই বরপরিচ্ছদ পরিয়া ও শিবিকায় চড়িয়া, লোকজন ও মশাল লইয়া বিনায়ক রাও-এর বাড়ীতে বিবাহ-সভায় উপস্থিত হয়। এদিকে জীবাজি আসিয়াছে বলিয়া উপস্থিত সকলে উৎফুল্ল হইয়া উঠিল। কিন্তু সেই মুসলমান সতাসদ্ শিবিকা হইতে বাহির হইয়া বিস্ময়বিম্ব কন্যাপক্ষীদের মধ্য হইতে ঝড়ের মতো অমাবাইকে হরণ করিয়া লইয়া গেল। তারপর জীবাজি বন্দনমুগ্ধ হইয়া আসিয়া উপস্থিত। তখন বিনায়ক রাও, জীবাজি প্রভৃতি সকলে বিবাহের হোমার্গে স্পর্শ করিয়া শপথ করিল যে, এই মুসলমান দস্যুকে বধ করি। তাহারা এই অপমানের প্রতিশোধ লইবে।

এদিকে অমাবাই তাহার অপহারককে ভালবাসিয়া বিবাহ করিয়াছে এবং তাহার পত্নীত্বের মর্যাদা লইয়া তাহার ঘরে বাস করিতেছে। তাহাদের একটি পুত্রসন্তানও হইয়াছে।

তারপর বহুদিন পরে তাহাদের প্রতিজ্ঞা-পালনের সুযোগ ঘটিল। জীবাজি নৈশবৃক্ষে বিনায়ক রাও মুসলমানকে পরাজিত করিয়া স্বহস্তে তাহাকে বধ করিয়াছে, জীবাজি সে বৃক্ষে প্রাণত্যাগ করিয়া রণক্ষেত্রে পড়িয়া আছে। এমন সময় বৃক্ষশ্রেণী অমাবাই-এর সংগে বিনায়ক রাও-এর দেখা। বিনায়ক অমাকে মুসলমানের গৃহ ছাড়িয়া, পুত্রকেও ছাড়িয়া, গঙ্গাতীরে তীর্থে বাস করিয়া নিত্য গঙ্গাস্নান ও শিবনাম জপের মারা পাপের প্রায়শ্চিত্ত করিতে নির্দেশ দিল। কিন্তু অমাবাই বলিল, সে কোনো পাপ করে নাই, কামনোবাকো সে পতিসেবা করিয়াছে, সে সতী। এমন সময় অমাবাই-এর মাতা রমাবাই-এর রণক্ষেত্রে প্রবেশ। সে এই কলঙ্ককাল কন্যার সতীধারিত ব্রতীয়া ঢাকিবার ইচ্ছায় বাগ্‌দত্ত স্বামী জীবাজির চিতায় তাহাকে জীবন্ত দগ্ধ করিবার আয়োজন করিল। তখন অসহায় কন্যার প্রতি বিনায়কের স্নেহ ও করুণার আবির্ভাব হইল। সে তাহাকে পুত্রসঙ্গে তাহার নিকট বাইতে বলিল। কিন্তু রমাবাই-এর আদেশে জীবাজির সৈন্যগণ বৃক্ষ বিনায়ক রাওকে বন্দী করিল এবং বাগ্‌দত্ত পতি জীবাজির চিতায় অমাবাইকে স্থাপন করিয়া উচ্চ বান্যধ্বনি ও সতীত্বের জয়ধ্বনির মধ্যে তাহাকে পোড়াইয়া মারিল। এই ঘটনাটিই এই কাব্যনাট্যের বিষয়বস্তু।

এই কাব্যনাট্যে একমাত্র বিনায়ক রাও-এর চরিত্রে একটা যুগ্মচরিত্র ফুটিয়া উঠিয়াছে। সে স্বল্প ধর্মের আদর্শ ও সন্তানস্নেহের মধ্যে। এই ধর্ম সংকীর্ণ, ক্ষুদ্র সমাজধর্ম—একটা

সামাজিক সংস্কারমাত্র। এই ক্ষুদ্রধর্মের বশীভূত হইয়া ব্রাহ্মণকন্যার হরণকারী যবনকে সে স্বহস্তে হত্যা করিয়াছে, কন্যা যবনই তাহার প্রকৃত স্বামী এবং সে যবনের ধর্মপত্নী বলিয়া বারবার ঘোষণা করিলেও তাহাকে পুত্র ছাড়িয়া, যবন দস্যুর চিন্তা ছাড়িয়া, গঙ্গাতীরে শিশু নাম জপের দ্বারা প্রার্থীকৃত করিতে বলিয়াছে। কিন্তু যখন রমাবাই তাহার গর্ভের কলঙ্ক দূর করিবার জন্য অমাবাই-এর বাগ্‌দস্ত স্বামী জীবিতের চিতায় তাহাকে পুড়াইয়া মারিতে সংকল্প করিল, তখনই বিনায়কের হৃদয়ের নিত্যসত্যধর্ম—পিতৃধর্ম জাগরিত হইল। সন্তানের হৃদয়ভেদী পরিণাম-চিন্তায় নিরুদ্ধ স্নেহের উৎসস্রব্দ থলিয়া গেল। আচার বা সংস্কারের বন্ধন আর তাহাকে রোধ করিতে পারিল না। সন্তানস্নেহ তখন নিত্যসত্য পিতৃধর্মে রূপান্তরিত হইল এবং সর্বসংস্কারধর্মবৃত্ত বিনায়ক তখন শাস্বত পিতৃধর্ম—হৃদয়ধর্মের চরম জরঘোষণা করিল।

প্রথমে সমাজ-সংস্কার ও পিতৃস্নেহের সহিত তাহার একটা স্বপ্ন চলিয়াছে। তবে তখনও সংস্কার প্রবল, কেবল কন্যার দুঃখ-স্বাধীনতা জীবনকে কেন্দ্র করিয়া একটা সহানুভূতি উৎসারিত হইয়াছে মাত্র। তাই তাহার নিজের সংস্কার-অনুযায়ী যবনের স্মৃতি ও পুত্র ত্যাগ করিয়া প্রার্থীকৃত দ্বারা আবার নির্মল হইয়া পিতার কোলে ফিরিয়া আসিতে বলিতেছে।

অতীত নির্মল পরিচয়

মোঁত করে দিক তোরে। সদ্য শিশুসম
আরবার আর বংসে পিতৃকোলে মম
বিস্মৃতি-মাতার গর্ভ হতে। নব শৈশবে,
নব গুণাগুণীতীরে, শূন্য হাসি হেসে
নবীন কুটিরের মোর জ্বালাবি আলোক
কনার কল্যাণ করে।

তারপর রমাবাই যবন জীবিতের চিতায় অমাকে পুড়াইয়া সত্য নাম প্রচার করিবার সংকল্প প্রকাশ করিল, তখন সেই সন্তানস্নেহ প্রবল হইয়া সংস্কারকে পরাজিত করিল। বিনায়ক অমাকে তাহার গৃহে ফিরিয়া যাইতে বলিল, সেই সংসারই তাহার পক্ষে তীর্থক্ষেত্র—ধর্মক্ষেত্র। পূর্বে যে কন্যাকে নিঃসঙ্গ অবস্থায় নিত্য গণ্যমান্য ও জপতপে প্রার্থীকৃত করিতে পরামর্শ বিদ্যাছিল এবং নিষ্পাপ হইয়া সময়ের বাহিরে দূরদেশে নবশিশুর মত পিতার কাছে থাকিতে বলিয়াছিল, এখন সেই মত পরিবর্তন করিয়া সে নিজে তাহাকে স্বামীর গৃহে ফিরিতে বলিল এবং স্বীয় পত্নীকে অমার পক্ষে স্বামী-গৃহে ফিরিবার যৌক্তিকতা দেখাইল,—

যাও বংসে, যাও ফিরে

তব পুত্র কাছে, তব লোকতন্ত নীড়ে।...

যে নব শাখারে

আমাদের বৃক্ষ হতে কঠিন কুঠারে
ছিন্ন করি নিয়ে গেল বনান্তর ছায়ে,
সেখা যদি বিশীর্ণা সে মরিত শূন্যারে
অগ্নিতে বিতাম তারে; সে যে ফলেফুলে
নব প্রাণে বিকশিত, নব নব ফুলে

নুতন মৃত্যুকা ছেয়ে। সেখা তার প্রীতি,
 সেখাকার ধর্ম তার, সেখাকার স্বপ্নীতি।
 অস্তরের বোগসুত ছিঁড়েছে যখন
 তোমার নিরমপাল নিজস্ব বন্ধন
 ধর্মে বাঁধছে না তারে, বাঁধতেছে বলে।
 ছেড়ে গাও, ছেড়ে দাও।—যাও বৎসে চলে,
 যাও তব গৃহকর্মে ফিরে—যাও তব
 স্নেহপ্রীতিজড়িত সংসারে—অভিনব
 ধর্মক্ষেত্রে মাগে।

শেষে যখন অবিচলিত-হৃদয় রমাবাই কিছতেই সংকল্প ত্যাগ করিল না, এবং
 জীবাজির সৈন্যগণকে অমাবাইকে বন্দী করিতে আদেশ দিল, তখন ক্ষুদ্র সংস্কারধর্ম
 কিনারকের হৃদয় হইতে একেবারে বিলুপ্ত হইয়া গেল। তখন পিতৃস্নেহ নিত্য হৃদয়ধর্মে—
 চিরন্তন মানবধর্মে পরিণত হইল। তখন রুম্ব চোখ তাহার খুলিয়া গিয়াছে—সমস্ত অন্যার
 ও অত্যাচারের বিপক্ষে সে কন্যাকে রক্ষা করিতে অগ্রসর হইল।

অন্ন বৎসে। বৃথা আচার বিচার।
 পুত্র লয়ে মোর সত্বে আয় মোর মেয়ে
 আমার আপন ধন। সমাজের চোরে
 হৃদয়ের নিত্যধর্ম সত্য চিরদিন।
 পিতৃস্নেহ নির্বিচার বিকল্পবিহীন
 বেবতার বৃষ্টিস্নেহ—আমার কন্যার
 সেই শূন্য স্নেহ হতে কে বঞ্চিত পারে
 কোন্ শাস্ত, কোন্ লোক, কোন্ সমাজের
 মিথ্যা বিধি, তুচ্ছ ভয়।

কিন্তু শেষমুহুর্তে সে নিজেই বন্দী হইয়া কন্যাকে রক্ষা করিতে পারিল না। ক্ষুদ্র
 সমাজধর্ম জয়ী হইল—সত্য ধর্ম উপেক্ষিত হইল।

অমাবাই-এর জীবনে কোনো মন্ব নাই। সে যখনকে ভালোবাসিতা বিবাহ করিয়াছে;
 প্রেমে জীতিকুল-বিচার নাই, কোনো স্খিয়াম্বল নাই, হৃদয়ের স্বতউৎসারিত এই আবেগ।
 পরীভাবে সে স্বামীকে শ্রদ্ধা করিয়াছে, তাহার ভালোবাসা পাইয়াছে, তাহার সন্তান গর্ভে
 ধরিয়াছে। সত্যধর্ম তাহার নিন্দুমাণ ক্ষুর হয় নাই। যখনকে বিবাহ করায় তাহার জীতি
 গিয়াছে, ধর্ম গিয়াছে—একথা সে বিশ্বাস করে না। এই সামাজিক সংস্কারের কোনো প্রভাব
 তাহার উপরে নাই। প্রথম হইতে শেষ পর্যন্ত এ-কথা সে পিতাকে বুঝাইয়াছে, মাতাকে
 বুঝাইয়াছে, আচার-ধর্মমোহগ্রস্ত মাতাকে বিজ্ঞার দিয়াছে, অন্যায়ভাবে পরপুরুষের চিতায়
 তাহাকে পুড়াইবার সিদ্ধান্তে বিধাতার ন্যায়দণ্ড মাতার শিরে বজ্রাঘাত হানুক বলিয়া সে
 ভগবানের নিকট প্রার্থনা করিয়াছে।

সে পিতাকে বলিয়াছে,—

তব ধর্ম কাছ
 পতিত হয়েছি, তবু মম ধর্ম অগ্নি
 সমুজ্জ্বল। পরী আমি, নহি সেবাদাসী।

বরমালো বরোঁছিন্দু তাঁরে ডালোখ্যাস
প্রস্থানকরে; ধরোঁছিন্দু পতিত সন্তান
গর্ভে মোর,—বলে করি নাই আশ্রয়ান:...

হৃদয় অর্পণ
করোঁছিন্দু বীরপদে। যখন গ্রাসিল
সে ভেস কাহার ভেস। ধর্মের সে নয়।
অন্তরে অন্তর্বাসী বেথা জেগে রয়
সেখায় সমান দৌড়ে।

মাতা স্লেচ্ছ মুসলমানকে পতিত বলায় বিদ্রুপ করিলে সে গর্বোন্মত্ত শিরে বলিয়াছে,—

উক বিপ্রকুলে জন্মি তবুও যখনে
ঘৃণা করি নাই আমি, কাব্যাক্রমণে
পূজিছাই পতিত বলি; মোরে করে ঘৃণা
এমন সতী কে আছে। নাহি আমি হীনা
জননী, তোমার চেয়ে,—হবে মোর গতি
সত্যস্বর্গলোকে।

মাতার নির্মম সংকল্পে সে বলিয়াছে,—

ছাড়ো লোকলাজ
লোকখ্যাতি,—হে জননী এ নহে সমাজ,
এ মহাম্মদানুগামি। হেথা পুণ্যপাপ
লোকের মূর্খের থাকে করিয়ো না মাপ,—
সত্যের প্রত্যক্ষ করে মৃত্যুর আলোকে।
সতী আমি। ঘৃণা যদি হবে মোরে লোকে
তবু সতী আমি। পরপুরুষের সনে
মাতা হতে বাধো যদি মৃত্যুর মিলনে
নির্বোধ্য কন্যারে—লোকে তোরে ধনা হবে—
কিন্তু মাতা: নিত্যকাল অপরাধী হবে
শ্মশানের অধীশ্বর পদে।

মাতার সংকল্প অচল, অটল, নিদারুণ দেখিয়া শেষমুহূর্তে সে ভগবানের কাছে ন্যায়-
বিচার চাহিয়াছে,—

জাগো, জাগো, জাগো ধর্মরাজ
শ্মশানের অধীশ্বর, জাগো তুমি আজ।
হেরো তব মহারাজ্যে করিছে উৎপাত
কুপ্ত শত্রু,—জাগো, তারে করে বজ্রাঘাত
বেবেবে। তবু নিত্যাধর্মে করো জয়ী
কুপ্ত ধর্ম হতে।

অমাব্যাহি সত্যধর্মের তুল্যবন্দে তাহার নিজের সমস্ত আচরণ মাপ করিয়াছে। তাহাতে
বিন্দুমাত্র দোষ সে দেখে নাই। তাই তাহার কার্যে সে লজ্জিত নয়, অনুতপ্ত নয়, পিতা-
মাতার কুপ্ত সমাজধর্মের ব্যাখ্যায়, তাহাদের দুঃখ-গঞ্জায় সে বিচলিত হয় নাই। অপরি-
বর্তনীয়, অনমনীয় ন্যায়বুদ্ধি ও নিঃপাপ বিবেক-চেতনা তাহার চরিত্রে আগাগোড়া একটা
অসাধারণ শীর্ণ দান করিয়াছে।

রমাবাই বিচার-বিবেকহীন, অবিচলিত সংস্কারধর্মের প্রতীক। সংস্কার তাহার জীবনে এমন বন্ধন যে, উহার প্রভাবে হৃদয়ের স্বাভাবিক ধর্ম, বিচার-বুদ্ধি সব মৃত। সংস্কার, প্রথা ও লোকমতই তাহার জীবনে সত্য। তাহার রক্ষার জন্য সে যে-কোনো উপায় অবলম্বন করিতে কুণ্ঠিত নয়। লোকে কন্যার বিধর্মী-বিবাহে মাতার সত্যের সম্বন্ধে সন্দেহান হইতে পারে মনে করিয়া সে বাগ্দস্ত পতির সহিত তাহাকে একচিত্তে পড়াইয়া সত্যার্থ্যি রটাইয়া দিবে। সন্তান-স্নেহ ও হৃদয়ের উপরে তাহার লোকনিন্দার ভয় ও লোকখ্যাতির আগ্রহ। সমাজবিধি ও লোকমতই তাহার ভালোমন্দের মাপকাঠি,—বিচারহীন, বিবেকহীন-ভাবে উহাই পালন করা তাহার ধর্মের আদর্শ। তাই সে বলিয়াছে,—

কন্যার কুশলে

মাতার সত্যেরে যেন কলঙ্ক পরে।

অনলে অপ্রাণসম সে কলঙ্ককাল

তুলিব উজ্জ্বল করি চিত্তানল জ্বালি।

সত্যার্থ্যি রটাইব দুঃস্থতার নামে,

সত্যমত উঠাইব এ শ্মশান ধামে

কন্যার ভয়ের পরে।

কন্যা অমাবাই যেমন সত্যধর্মের স্থির-বিশ্বাসী, মাতা রমাবাই তেমনি ক্ষুদ্র সমাজধর্মের অবিচল-বিশ্বাসী। দুইটি নারীচরিত্রের মধ্যেই কোনো মিল নাই। উভয়েই নিজ নিজ বিশ্বাসের দুর্ভেদা পাষণপ্রাচীরে সুরক্ষিত।

গান্ধারীর মতো অমাবাই সত্য ও ন্যায়ধর্মের প্রতীক। গান্ধারী যেমন ধৃতরাষ্ট্রের কাছে, অমাবাই তেমনি পিতামাতার কাছে ক্রমাগত দৃঢ় ও উচ্চকণ্ঠে সত্য ও ন্যায়ধর্মের আবেদন জানাইয়াছে।

রমাবাই সামাজিক ও লৌকিক সংস্কার বা সমাজধর্মকে সবলে আঁকড়াইয়া ধরিয়া আছে। কোনো প্রতিকূল শক্তি তাহাকে বিচলিত করিতে পারে নাই। সে তাহার সমাজ-ধর্মপালনে স্থিরসংকল্প এবং কঠিন ও নির্মম কার্যসাধনেও পরাম্ভুষ নয়। এতদিক দিয়া তাহার চরিত্রে গান্ধারী বা অমাবাই-এর মতো একটা দৃঢ়তা আছে। বরং তাহার দৃঢ়তা একেবারে পাথরের মতো নিরোঁট ও অচল। সংস্কার বা প্রথা বুদ্ধিবিচারের দ্বারা ধরে না, তাই তাহার প্রতি নিষ্ঠা হয় অন্ধ, বিবেকহীন, নিষ্ঠুর ও আবেগময়। রমাবাই-এর চরিত্রের এই অধিনিষ্ঠা একটা উৎকট, হৃদয়হীন রূপ লইয়া ফুটিয়া উঠিয়াছে।

ধৃতরাষ্ট্রের অন্তর্দর্শন ফেল্পীকৃত হইয়াছিল সত্যধর্ম ও পুত্রস্নেহের মধ্যে। তাহাতে পুত্রস্নেহই জয়লাভ করিয়াছিল—সত্যধর্মের মর্যাদা হ্রাসিত হয় নাই। বিনায়কের হৃদয়ে মন্দ আঁসিয়াছিল সামাজিক প্রথা বা ক্ষুদ্রসমাজধর্ম ও সন্তান-বাৎসল্যের মধ্যে। এই ধর্ম মিথ্যা বা ছদ্ম ধর্ম। সন্তান-বাৎসল্য এই ক্ষুদ্র ধর্মকে ধ্বংস করিয়া বৃহৎ সত্যধর্মের স্ফারে তাহাকে পৌছাইয়া ছিল। বরং সন্তান-বাৎসল্যই রূপান্তরিত হইয়া গেল সত্য পিতৃধর্ম, হৃদয়ধর্ম—নিষ্ঠা সত্যধর্ম। কিন্তু ধৃতরাষ্ট্রের পক্ষে এই সন্তানবাৎসল্য সত্য ও ন্যায়ধর্ম হইতে বিচ্যুত হইয়া ক্ষুদ্র, সংকীর্ণ অন্ধ পিতৃধর্মের পরিণত হইয়া গিয়াছিল। বিনায়ককে এই সন্তানবাৎসল্য সংস্কারধর্মের উদ্দেশ্য উঠাইয়া নিষ্ঠাধর্মের মন্দিরে লইয়া গেল, আর ধৃতরাষ্ট্রকে এই সন্তানবাৎসল্য সত্য ও ন্যায়ধর্মকে পদদলিত করিয়া সংকীর্ণ স্বার্থপরতার অধকূপে নিক্ষেপ করিল। এক সন্তানবাৎসল্যই উভয়ের জীবনে বিপরীতভাবে ক্রিয়া করিল।